




瓊州府誌

丁



瓊州府志卷之四

學校志

附社學書院

府學

州縣學

祭器

學田

學校為

國家之首務興賢育才化民成俗甚盛典也瓊郡
界在南服正應離火文明之域以故人文蔚起
彬彬日盛文章節義經濟事功如丘文莊海忠
介輩炳耀史冊豈非教養之明驗歟至書院社
學又以助郡學之未逮者苟司鐸者有能申明
義利之辨講明聖賢之旨則與鵝湖鹿洞競烈

矣寧執經問難朝講夕誦之故事哉

瓊州府學

宋慶曆四年立郡城東南殿堂御書閣兩廡戟門俱備

郡守宋守之建尊儒亭躬親講授贍學有用

紹興末始置校官

淳熙九年帥守韓璧重修明倫堂朱文公書扁

慶元間通守劉漢修崇廟像祭器庖厨增益學費

嘉定二年帥守趙屢加修

咸淳二年教授蔣科移建御書閣於講堂北三年

帥守梭憲趙侯增給新莊學田八年立進士題

名碑於坡院錦衣堂

元立教授學正學錄官典教通經之士蠲免雜役

至大己酉副都元帥陳謙身重建大成殿增崇舊

觀

皇慶壬子教授陳舜佐範銅造諸祭器以學錢售

買大成樂延樂師教習諸生

泰定四年安撫副使張珣清復學田置冊立碑刻

田畝四至于其上

至正間教授金新德繪塑兩廡像辛卯學正符元
裔補買經史諸書己亥陳子瑚等寇城焚掠學
宮祭器經籍盡毀

明洪武三年知府宋希顏重建大成殿兩廡櫺星
戟門明倫堂四齋闢射圃於學之右扁齋曰守
中興仁恒德育才是年以學田併入有司議存
府州縣舊籍儒戶紆其役專備修繕

七年指揮桑昭以東西營地入學神厨祭器庫舍

饌堂以次舉造 十五年奉制立卧碑 甲戌

造祭器學官張伯福高震監造陳敬忠製銅爵

節椎郭西製藤籩浙儒陳升製梨木豆

庚辰知府王伯貞修造講堂

宣德初通判吳伯禎等修講堂 丙寅同知楊啟

增置號房

天順壬午副使鄺彥譽復修

成化初副使唐彬增置號舍 五年知府蔡浩建

書樓于明倫堂後改建櫺星門 七年副使涂

其開造射圃亭

八年範銅祭器

學士丘濬記

癸巳以明倫堂前逼文

廟退立於書樓基上前置大方碑隸刻朱子感
興詩而亭覆之又立饌堂房厨倉庫祭酒吳節
記

八年學士丘濬於堂後置藏書石室有記

十三年知府蔣琪重建大成殿兩廡尊經閣復遷
號房於明倫堂左

二十二年僉事陳英於學後開劍池用土築峯奠

其後

弘治初英復以副使來按重建兩廡戟門增號舍
數十間 九年太守張桓重修延樂師吳應禎
教習樂舞 十年提學僉事宋端儀以學北東
坡澹庵祠久廢乃創仰止堂於儀門之東祀名
賢李德裕等三十一人 十三年石守壁始大
其祠適端儀後按邵稽雲從龍出處未明革去
神位而增祀張應科趙與珞 十五年僉憲方
良未又躋祀宋端儀

正德初方守向以學西隙地增號房四十二間提學副使給唐書宋史二部

六年王守子成重新樂器十二年補造大銅香爐一副十六年正月賀叅議泰清理祭器立碑刻數於明倫堂側二月汪僉憲克章克童克生員鍾遠張文甫等請進舊祀遺賢王義方等十人黜術數王肱復王伯貞徐鑑於舊祠拓基增位共祀四十人以學行風後進三月汪克章修建殿廡齋衙補祭器給膳田文教大振七月珠池太

監韓慶進金易新聖像銀二十兩

嘉靖十年改大成殿為先師廟設木主建敬一亭

石刻歲又七通創啟聖祠於仰止祠北二十

四年張守子弘重修較定樂器造墳篋教習生

儒 三十五年推官徐邦佐給書院後田塘并

午籬潭橋田二處新志贖田鐘鳳東城內北開菜田五十八丈五尺深塘西

一截一十八丈七尺五寸淺塘西一截四丈五尺舊額租銀三兩今僅存租銀二兩三錢二分

解道賑給貧生

一調塘都午籬庄田七丁今僅存三丁租銀三

錢五分解道賑給貧生

一雷虎都潭橋田七五今廢

四十一年同知楊子充給深潭邁遍田共七坵今廢

隆慶元年憲副陳復升給西黎等處田吳熙妻張氏絕戶田

坐落澄邁西黎地土名春坊石樓羅贊等田共五十五丁半租銀一十九兩一錢八分內三十二

丁半舊租銀一十一兩九錢八分

康熙十一年教授朱子虛開墾一十八丁租銀七兩二錢共租銀一十九兩一錢八分解道賑給貧生

庚午知府周思久增脩琴瑟教生儒歌鹿鳴及聖

諭六訓詩

萬曆七年始以海南兵巡兼提學專督海南學校

已卯年知府唐可封以櫺星門逼近城乃展城築

石門外砌照壁以雙龍首守之門內開鑿泮池

理石為橋改建大門於左建尊經閣於明倫堂

後又移三元峯碑於雁塔峯上十五年同知

董志毅修補樂器定樂舞生名數十八年教

授王端黻立科甲題名碑於明倫堂三十三

年地震廟堂齋閣門廡半傾三十四年署府

雷州推官高惟岳重建明倫堂創文會館於文

廟之右三十六年知府倪凍重脩廟廡及門

垣三十九年知府翁汝遇去泮池中橋砌廟

左右道 四十二年署府推官危純中重建尊經閣知府謝繼科踵而成之

國朝

康熙六年分巡學道馬逢臯捐俸并行闔屬官於協助充貲重修文廟殿廡齋衙等處煥然一新康熙十年颶風折毀分巡海南學道王廷伊協同知府牛天宿同知劉永清儒學教授朱子虛捐修甫幸垂成至康熙十一年七月二十三日颶風盡行倒塌教授朱子虛詳請 道 府設

法拮据暫借明倫堂權奉

聖賢候議建復

學田

一坐落瓊山縣土名午離田七丁該下苗一頃四十三畝四分該租銀八錢正內熟三丁租銀三錢五分正 荒四丁荒租銀四錢五分正

一坐落瓊山縣土名尼姑田二坵該下苗一十三畝二分八厘一毫該租銀四錢正

一坐落郡城東門內九賢祠後菜田一塊該下苗一畝該租銀五錢兵丁占踞租銀無納

一坐落郡城內學後塘一塊該塘苗一畝伍分一厘六毫七絲伍忽該租銀一兩二錢一分三厘四毫兵丁居住後面租銀無納

一坐落郡城內學宮左右并後地基一塊該地苗八畝伍分四厘七毫一絲伍忽該租銀六兩八錢三分七厘八毫兵丁居住租銀無納

一坐落郡城內土名北關菜田一塊該下苗四畝六分四厘該租銀二兩三錢二分正

一坐落臨高縣土名武大群打南定等田一十四

丁該中下苗二頃五十五畝一分六厘六毫該租銀一兩五錢六分二厘

一坐落澄邁縣石樓春坊羅贊等田五十丁零半該中苗四頃四十畝三分零九毫八絲該租銀一十九兩一錢八分

以上田地塘共七十一丁一半二坵四塊共苗八頃六十七畝八分六厘零八絲額租銀三十二兩八錢一分三厘二毫內現熟租銀二十三兩八錢二分五厘三毫

本學徵收解道賑給貧生

尚有荒租銀

八兩九錢八分七厘九毫無納

名宦鄉賢前後二祠在文廟東廡毀現議修復
名宦

漢 路博德 楊僕 馬援

唐 王義方 韓瑗 李德裕 宋慶禮

常方質 李復 杜祐

宋 周仁浚 陳堯叟 張岐 宋守之

朱初平 郭曄 任伯雨 李諤

李綱 趙鼎 李光 胡銓

韓璧 周郝 崔與之 張應科

趙與珞

元 朱國寶 闊里吉思 范梈 呂統

明 朱亮祖 宋希顏 李思齊 趙瑁

鄭濟 曾蘭 揭傒 祭浩

吳元 宋端儀 毛銳 方良永

鄉賢

宋 姜良佐 王霄 王進慶 裴聞義

陳孚 陳應

元 蔡微

明 王惠 唐 舟 王克義 丘 濬

邢宥 榮 瑄 王 佐 唐 胄

鍾芳 陳 實 吳 效 林士元

陳天然 鍾允謙 鄭廷鵠 黃 顯

俞宗梁 海 瑞 陳傳嘉 王仕衡

魯 鵬

祭器

大中小銅香爐共四十五箇 燭臺二座

花瓶二座 爵一百箇 籩豆一百箇

鉶二十箇 方簋四十箇 圓簋三十箇

盥盆二箇 酒罇四箇 鐘十六箇

石磬十六箇 畫金緞麾幡一條

龍頭一箇

瓊山縣學

宋置在海口浦

元至正中元帥實德資海牙重修

明洪武四年知縣李思適遷於郡東北東坡書院

九年知縣陳槩遷於南郊教諭趙謙重修於巷口立

石坊扁曰道義之衢學西築考古台謙博洽經史世號考古先生守

令為之築
臺田名

永樂二年知縣歐陽旭復大修之

宣德八年繼修廊廡

正統十二年同知楊啟加修市軍民田地築堤以廣其路

成化初副使唐彬興修堂齋未就七年副使涂棊

繼修完更剏饌堂號舍立濬記

弘治十一年副使陸淵遷於府學之西門池官舍畢備

正德初增立號房二十間

嘉靖十三年訓道符山李一變置馬坡那賓田三

十四年太守張子弘推官徐邦佐以知縣吳時

昭請創文廟於明倫堂西儀門兩廡櫺星門啟

聖祠俱備又以教諭陳湯敬之請建敬箴亭於

明倫堂及號舍二十間 三十五年推官徐邦

佐知縣吳時昭給書院後萊田塘每年租銀二兩九錢正

三十六年置倉離田給大小來田及平坡市午

離田員周國昇烈倉離等田十四拉除納糧差

一畝田四坵每年租銀一兩今存九錢平坡市
兩後咸作
五兩又廢

隆慶元年副憲陳復升給澄邁縣西黎羅贊等處
田四丁半租銀每年一兩五錢

庚午年開建東西儀門

萬曆元年知縣文以進鑿泮池於櫺星門內 癸
巳年教諭梁尚通程士章何其明以殿堂錯居
非制請巡道胡桂芳遷聖殿於明倫堂舊基改
建明倫堂於聖殿後泮池櫺星門一時更新計

金三百
餘兩

乙巳年地震積歲颶風廟堂盡圮署
縣通判吳捐俸修建 四十三年巡按王以寧
允訓導陳汝言請建啟聖名宦鄉賢考古四祠
脩門池垣齋 是年陳門王氏輸坡寨田六丁
五十三畝每年租銀三兩又廢

國朝

康熙六年學道馬逢臯捐俸重建文廟及明倫堂
等處教諭譚福成督脩 十一年閏七月二十
三日颶風傾壞文廟及明倫堂各祠櫺星門石

柱折斷週圍墻垣倒塌教諭余穀具文申報
道府 署縣本年九月內知縣劉源清教諭余
穀會集諸生設法捐修

一土名坐落臨高縣南定武大群大田一十丁稅
一頃六十六畝四分五厘四毫四絲一忽七微
租銀一兩二錢六分通年解納賑給貧生

一土名羅贊田四丁半稅三十六畝六分零四毫
一絲六忽零一纖租銀一兩五錢通年解納賑
給貧生

一土名南立田二丁半稅三十一畝零八厘八毫
七絲五忽租銀一兩二錢通年解納賑給貧生

一土名烈樓大來田一丁稅二十畝零四厘租銀
九錢通年解納賑給貧生

一土名書院後菜田一十三坵稅五畝六分租銀
二兩八錢通年解納賑給貧生

一土名南昌田一丁稅二十畝零九厘一毫九絲
六忽六微租銀三錢係新墾

以上熟田額租銀七兩九錢零六分通年解納

學道賑給貧生

荒蕪無徵田

一土名榕木田二十四丁稅三頃四十六畝四分九厘八毫三絲九忽九微二纖租銀四兩八錢四分正廢

一土名南立田七丁半稅九十三畝二分六厘六

毫二絲五忽租銀三兩六錢正廢

一土名坡寨田六丁稅五十五畝零二厘九毫租

銀二兩荒

一土名馬坡田一坵稅三畝五分九厘七毫五絲

租銀一錢五分荒

以上通共又荒田額租銀十兩零五錢九分正

名宦祠

在明倫堂西祀 李思適 陳 槩 陳永彰

鄉賢祠

在名宦前祀 林士元 楊 愷

澄邁縣學

宋立在縣之東 寶祐間主簿紀應炎塞海為學

田

咸淳乙丑將領李才卿重修增置學田

元至元己丑司邑李敦武選通經士給憑為儒籍

蠲其役 大德間教諭黃夢祥請置祭器

皇慶癸丑牛尹恢基修建 天曆間憲僉呂統給

田增贍學糧

明洪武三年知縣劉時敏重建殿廡櫺星戟門明

倫堂東西齋

永樂間知縣孫秉彛建饌堂庫厨訓導謝秉初築

垣

正統八年知縣黎猷重建文廟

景泰元年縣丞魏春重建明倫堂兩齋

天順間知縣余常重建兩廡櫺星戟門主簿伍細

佐建饌堂號房

成化十一年副使涂棊以學址太高酌取官銀三

百餘兩命縣丞陸佑改建未幾知縣周泰至創

建殿廡明倫堂戟門射圃以石建櫺星門增修

祭器

弘治癸丑副使陳英以新址不利科日捐銀一百五十兩命知縣吳濟復遷舊址未就至辛酉同知鄧槩捐銀一百兩委訓導郭龍督遷今地改置殿堂廡齋

正德二年知縣盧暉重建號房

嘉靖二年知縣許應龍給新安廢祠田為學田民

苗三畝八分

廢

三年知縣潘士卿教諭張汝

秀訓導吳俊吳琮捐俸并生員各捐共一百五

十兩改建文廟兩廡戟門九年知縣朱鸞重

造祭器

丙午年知縣秦志道易民居購地廣

闢殿堂

三十二年主簿陳昭市學東地知縣

許應龍移建學門

隆慶戊辰署縣樂會知縣邵世光改建明倫堂於聖殿後知縣李載言踵而成之

萬曆七年教諭姚復古補造祭器十年知縣俞

效龍以學門狹隘開建三間重修殿廡齋祠

十七年己丑知縣吳如圭豎石欄杆於照壁之

兩旁辛丑署縣臨高訓導楊瑞篆修先師廟

建兩廡戟門名宦鄉賢祠石砌泮池左右街

乙巳年地震傾圮殆盡 三十六年知縣周士

昌給那蓬都陳氏田 中則苗五畝零下則苗一十畝零每年除穀二石九

斗納糧外該大石四斗入學久已荒廢康熙二年教諭郭球查出

四十年知縣曾拱璧重修增置學田 捐銀一百兩買王家

泰英聖錫那紅昌橫等田地共二十丁明末盡荒順治十八年招佃開墾

名宦祠 鄉賢祠

國朝

順治十年颶風大作文廟傾塌知縣王學典教諭

蔡嗣襄署訓陳佳捐募重修文廟明倫堂

十四年知縣吳翹繼修廟廡門祠未完

康熙十年知縣丁斗柄捐修甫就十一年颶風

摧折明倫堂圮為平地尚俟議復修葺

臨高縣學

宋立隨縣遷敗

元因之後火於寇

明洪武三年知縣王績於舊基創建殿廡櫺星戟

門明倫堂兩齋饌堂大門神厨庫房射圃

永樂三年知縣朱原律重修 十二年知縣陳蒙
教諭郭邦寧重修殿前砌石爲臺障以石欄
杆

宣德間主簿陳觀易櫺星門以石柱魯洪重修
兩廡

天順二年颶壞兩齋損堂殿知縣楊護重修訓導
林敦募建兩齋號房二十間

成化二年知縣梁儉以學東射圃逼街遷於太平
橋東建觀德亭 八年知縣甘素以副使涂棊

委重修

正德四年知縣梁高新明倫堂及衙宇一所

嘉靖八年教諭楊際時重建文廟兩廡戟門兩齋
二十四年知縣陸湯臣改建櫺星門於泮池內
遷儒學門於櫺星右朔名宦鄉賢於啟聖後戟
門左 三十二年知縣陳址修兩廡殿宇重修
庫房於先師廟右遷敬一亭於明倫堂後

四十五年署縣通判楊表於泮池上立騰蛟坊
萬曆十二年知縣陳節遷櫺星門於泮池外十

三年署縣訓導林立遷儒學門於櫺星左名宦鄉賢祠於敬一亭後建儀門於文廟東 乙巳地震廟堂齋舍盡圯 三十二年訓導芮猷可同諸生捐資開泮池葺垣墻 四十二年紳衿募建文廟啓聖祠明倫堂訓導汪棟捐資改建文廟及廊廡齋舍荆問業公署鄉紳劉珍捐建明倫堂 四十六年知縣柯重光建名宦鄉賢祠於啓聖祠之左右

崇禎八年知縣許真儒教諭湯廷臣重修兩廡及櫺星門 九年知縣許真儒訓導阮士偉重建學門於戟門左砌石至儀門 十一年署縣林大志教諭蕭俊文重修泮池砌石橋

國朝

順治十三年教諭陳天錫重修明倫堂并圍墻 十八年知縣蔡嘉禎教諭黃銑訓導何嶠重建啓聖祠於明倫堂後及黌門兩廡立名宦鄉賢祠於黌門左右并建萬仞宮墻石碑坊

康熙六年知縣陳垂訓導陸高古捐俸倡集諸生

募資并設禮生協助重修聖殿兩廡及啓聖名
宦鄉賢祠澹庵祠并孺星門黌門儒門儀門及
內外垣墻創建齋衙捐買學前舖地拆建照壁
立禮門義路坊於左右改街道於照墻外輪奐
一新五易寒暑始成奉院道府立石獎
勵十一年閏七月颶風大作文廟兩廡黌所
儒門儀門禮門義路齋衙等處垣墻板扇半壞
知縣陳垂訓導陸高古捐俸倡募見在鳩工重
修

定安縣學

元始立附縣在南資都南堅崑

天曆二年隨縣遷瓊牙鄉改南建州學附於州之
東南一里許

明洪武二年復隨州降改爲縣學知縣吳志善創
建茅覆粗備

末樂三年知縣吳定實重建殿廡孺星戟門明倫
會饌二堂兩齋厨庫泮池

宣德三年知縣白尚忠重修六年始塑十哲像

正統八年知縣蕭應韶建明倫堂縣丞鍾政建號房

天順間知縣張寬重修

成化八年知縣勾永昇以副使涂棊命增大殿堂諸制 十六年知縣傅霖重修廟學社團

萬曆十六年知縣黎可耘重修明倫堂

名宦祠

鄉賢祠祀 莫宣寶 陳懋芳 王允升

學地二段 埋石為界

國朝

康熙七年知縣楊天授重建聖殿 又同訓導楊

天培捐俸重建啓聖祠及明倫堂

文昌縣學

宋立附縣治在何恭都之潭步地

元至順壬申隨縣遷北山都建於縣右

明洪武三年知縣周觀仍建 八年知縣趙文炳

徙於縣左殿廡齋堂櫺星戟門大門射圃厨庫

俱備 十五年增建神厨庫

宣德二年教諭陳文驥增廣殿廡

十年僉事龔璲重建明倫堂

正統七年提學僉事彭珣增建號房

成化八年副使涂棊命知縣宋經遷於文廟之右

而以舊堂爲饌堂兩齋爲號舍

十年教諭唐琳補造祭器訓導農猷立櫺星石

門十六年知縣翁輝新祭器

十九年通判丘端於泮池建亭知縣鄭宏易廊

廡以石柱

弘治初副使陳英命知縣王杰重修

嘉靖九年知縣庠經重修三十三年教諭施模

請修殿廡齋舍門屏建號房三十間

四十年訓導葉懋修櫺星泮池築整門內道路

萬曆六年教諭葉貞元修東廡西齋七年知縣

羅鶚重修十年知縣石中美以提學唐可封

命重建戟門十八年知縣楊道中重修東廡

櫺星門十九年改修泮池垣門甬道未就次

年教諭李遇春署縣踵而成之三十三年地

震盡圮 三十四年知縣馮一鳳重建廡堂齋

四十五年知縣葉可行捐修毀廡齋舍啓聖名

宦鄉賢祠

名宦祀 廖經 王耕 陸觀仁

葉懋

鄉賢祀 邢宥 王懋德 葉俊

國朝

順治十六年颶風盡毀學垣訓導梁晨棟募修未就吳廷縉捐俸五十兩鳩工未竣

康熙七年知縣沈彪捐俸申請同訓導歐陽敬督

修補祭器肅祭儀酌祭品廟祀一新

學宮濟貧田在北山都耕佃收粒備賑貧生輸差在

內原價四十兩每價一兩議租一兩每官銀一

兩支租銀一兩二錢輸納 書院祭祀修理田

共四處 一書院前 一分司前 一北山坑 一大潭村 又縣前店舖 一座 六價一百

十兩五錢 每年收租 供春秋二書院科舉田在 祭并逐時修理輸差在內

上瑤村 價銀七兩 租共二十一兩五錢 輸差在內

書院濟荒田在蔡村 價銀三十兩 每租銀二兩八錢 輸差在內

會同縣學

宋無稽

元至元二十八年附縣治立於平定鄉

皇慶元年隨縣遷端趙都

明洪武三年署縣縣丞李霖始立於縣東 二十

七年知縣熊彥信鼎建殿堂兩齋

永樂元年典史徐廷玉重建堂齋厨庫外門

正統七年提學彭珣以狹隘徙建舊址之西

十一年典史饒世高鑿泮池添立會饌堂

成化二年知縣李秉經重修 八年知縣陳釗以

副使涂棐命改建明倫堂於齋東立射圃

二十年教諭丘定請造祭器 三十二年僉事

陳英命署縣主簿曹冕改向建正殿兩廡戟門

遷明倫堂於殿後以西建兩齋儀門外門

弘治元年典史曾暹置石柱爲櫺星門鑿泮池於

門外 十二年知縣陳策重修 十七年署縣

丞王銀訓導王爵加葺

嘉靖七年知縣劉源遷明倫堂兩齋於舊址之西

建啟聖祠敬一亭 二十二年知縣曾廷梅重

修 三十年知縣陳儒建講堂

萬曆七年颶風毀壞 十五年知縣徐應麟以巡

道易可父命遷於分司市地易基創廟廡堂齋

十八年提學孫秉陽命建啟聖及名宦鄉賢祠

三十三年知縣盧章教諭池起鳳置學田章送

銀五十兩西鳳捐奉二十兩共置溝尾塔邊墩後

龍後洋塘心菰燴田七坵租銀五兩八錢五分

順治九年報荒十二年教諭鄭熙運

墾復連年納租到道賑納貧生

道賑給貧生其糧

崇禎年間生員王象陽捐木櫬等田四十五畝七

分二厘租銀三兩二錢順治九年報荒康熙六

年訓導梁英表招佃墾

順治十年生員馮如京捐嶺仔加芮田十四丁克

後二十四畝五分照額抽熟租銀解道賑給

資生尚荒二十一畝一分七厘五毫三絲無微

本學饌膳道經教諭鄭熙運詳縣申

康熙二年知縣黃信讓捐俸倡紳衿募資重修文
廟建啟聖名宦鄉賢各祠及明倫堂
康熙十一年八月颶風大作傾壞文廟瓦蓋知縣

曹之秀同訓導梁英表補葺

名宦祠在啟聖祠之左祀 陳新 汪壁明

陳策 柯應鳳 朱絃 陳覺 康熙十一年九

月初二連日風雨祠遂傾圮知縣曹之秀同訓導梁英表議捐建復

鄉賢祠在啟聖祠之右祀 薛鳴鳳 王紹先

黃可父

樂會縣學

宋附縣治於會同縣之泗村都

元至元二十四年邑治徙於太平都之調懶 三

十一年徙萬泉渡北再遷渡南學治無籍

延祐三年海北廉訪司范椈始建廟學於邑治之

東

天曆元年教諭蔡慶存請於縣尹郭德賢重葺

正至四年主簿莊益考九年知縣白壁屢嘗新之

明洪武三年知縣王思恭重建

未樂六年知縣諸葛平重建殿廡堂齋戟門櫺星

門厨庫射圃

正統四年知縣莫鄉改建明倫堂於大成殿東齋

門饌堂號房諸制一新遷射圃於萬泉河沙洲
建尊經閣

成化八年知縣何耕以副使涂棊命增擴之
弘治初改建殿廡堂齋

嘉靖五年知縣高邦相修兩廡堂齋 二十六年
署縣知事徐琢改建啟聖祠於學大門東 三
十二年知縣曾彭遷名宦祠於戟門東建鄉賢
祠於戟門西 四十年知縣鄭雲鵬重修明倫
堂

萬曆二年署縣通判 重修先師廟 上北民馬

文超輸龍塘田 十六年知縣林棟請給清塘

田 二十二年 給莫村田地 三十三年知

縣沈允孚重建敬一亭於明倫堂東

名宦祀知縣 王思恭 諸葛平

教諭 林 璟 蔡 微

鄉賢祀 盧 袖 林毓秀

國朝

康熙六年知縣林子蘭同副導邵岑集紳於捐建

明倫堂及儀門後衙輪奐維新 康熙十一年
八月颶風傾壞廟無各祠及明倫堂訓導曾士
珍補葺

萬州學

宋在舊城治西以寇燬遷城外東北贍學有田
元大德丁酉同知徐應重建殿堂門垣俱備

延祐三年同知董毅鑄銅祭器繪兩廡從祀像築
登雲橋引溪水爲泮池

泰定元年知軍楊漢傑建樓庑經史

大曆二年清復學田

至順二年寇火群書

至元三年判官張光大重修知軍孫實重建大成
殿

至正七年監郡大都新繪飾遣吏如杭求魯司寇
像祭器書籍 十二年土寇犯城圖書祭器被

掠 二十六年鄧酋縱民拆廟學遂殘毀

明洪武三年判官唐珪萬寧知縣黎恕縣丞湯良
彌捐建殿廡堂齋飾聖賢像 六年同知劉

以敬七年知州戴彥則又次第新之創饌堂學
門神厨庫房闢圃於學之北

成化八年副使涂棐以湫隘遷於廢萬寧學基
弘治五年知州李恭重修

正德元年復葺置祭器 九年知州余忠重修建

儒林坊於學門外

隆慶六年海寇侵颶風傾圮

萬曆二年州守王一岳遷城內州治之左建廟堂

門廡諸制 三十三年知州茅一桂重遷州西

建廟廡堂齋祠閣閣宇

崇禎二年署印司理朱繼芳議遷城外舊學址知
州顧斌訓道高任重建廟廡堂齋

名宦祀 湯 鶯 陳中孚 劉椿元 楊漢傑

賀 賈 鄭 璉 黃 榮 李 恭

盧 楊 王 琥

鄉賢祀 陳 庚 馮 宣 徐 祥 文 明

徐 福 曾 瑁

國朝

順治十一年創建文廟

康熙六年學正屈騶倡捐創建兩廡戟門名宦鄉賢各祠至康熙八年創建啟聖祠明倫堂週圍垣墻俱備

學田共一百八十六畝

今荒

小擯榔園三所

現荒二所

以上每年報租三兩 學前塘一口

啟聖塘一口 在州東北一里

陵水縣學

宋立附縣治

元縣屢遷學亦隨之

明洪武三年署縣丞湯良弼於港門創建正殿堂齋門垣俱備

景泰五年知州王鐸重建

正統五年知府程瑩疏請隨縣遷於南山千戶所城東

成化初副使唐彬知縣林瑞議遷城北未就 八

年副使涂棊完建殿廡櫺星戟門內齋饌堂號房外門諸制

弘治十八年燬於黎寇

嘉靖三十七年知縣安欽遷於桃油建殿廡櫺星
戟門堂齋啟聖諸制

萬曆三年知縣譚汝讓以副使陳復升命遷於城
中鎮撫司之舊址 十年知縣周文仲建名宦

鄉賢祠於儀門左右

名宦祠

鄉賢祠

儋州學

宋立在城之東

紹興二十一年知軍陳適徙於城東南隅

紹熙二年知軍葉元璘徙於城之南

元至元二十一年知軍吳桂發置學田

大德九年遷於城東舊址

至大己酉軍判任大忠重建明倫堂

明洪武三年知州田章建殿堂齋廡櫺星戟門饌

堂厨庫泮池射圃 十四年學正王麟彭通繼

新大成殿

永樂十一年知州陳敏學正鄭齊文重修之
正統五年州同梁端置築地 十年州同陳應及
知州周鐸重修明倫堂

成化九年知州羅傑以副使余棐命修殿宇神厨
饌堂增號房十五間銅爵三十二事

弘治二年知州鍾英遷於城西外廢宜倫縣舊址
給田四十五畝

正德七年知州陳袞遷入城內東南隅創殿堂聖
像未完推官蔣纓署修大講

嘉靖九年知州蕭弘魯建啟聖祠修號房十六間
二十六年知州宋涇清給南慶田 三十三年
知州潘時宜重修文廟堂廡厨齋

萬曆三十七年訓導葉若琬建文廟斗拱泮池

四十三年知州曾邦泰遷建於舊宜倫學址殿
堂齋廡櫺星戟門泮池啟聖諸祠

名宦祠在啟聖祠之左祀 羅 傑 潘 楠
鄉賢祠在啟聖祠之右祀 羊 脩

昌化縣學

宋立於舊縣治之東

元至元二十一年署縣呂舉遷文廟於故基之東

元貞元年知縣夏雋教諭張天翼等興立學門定

祭器

大德元年典教冼雷加修塑尤聖配哲像創明倫

堂

至元九年知縣黃半山遷於縣治西南

明洪武三年知縣董俊仍建 十九年知縣范朗

重建大成殿 二十年知縣沈源建明倫堂立

二齋

正統十年知縣周振以憲副賀公奏請遷縣於城

南

成化十四年典史周斌遷建於縣東

正統七年知州陳袞建大成殿知縣殷鐸重修明

倫堂 十二年知縣藍敏訓導馮鉞重建戟門

兩廡櫺星大門齋房

嘉靖十年知縣王臣建敬一歲亭 二十九年憲

副朱道澗重建殿廡門齋訓導黃鵬造祭器神

位起蓋捲蓬置學田

萬曆二十三年知縣伍心臣以教諭張大光請改
建明倫堂於廟西以舊堂爲後衙 二十七年
署縣崖州訓導肅可觀重建名宦鄉賢祠於文
廟二門之兩傍

天啟三年知縣王可宗重修聖殿及兩廡戟門

崇禎十一年知縣林大志教諭陳學鏘捐修

國朝

順治十五年署縣陸觀光修葺兩廡及啟聖祠

康熙六年知縣嚴于屏訓導梅憲樞集紳衿捐修
聖殿及櫺星門并建明倫堂儒學門於殿右蓋
復廟門左右名宦鄉賢兩祠

崖州學

宋立在校外東南郡倅慕容容居中移城北後郡守
莫豫復故

淳熙十四年郡守周廓重修

淳佑五年郡守毛奎移於郡城西南

元大德間學正齊孟堅壽銅爵

恭定三年學正陳世卿郡倅王起復移於城東
天曆二年清復學田

至正五年同知羅伯顏移於城西後復徙於城外
西南隅

明洪武三年判官金德仍舊址開設 九年知州
劉斌重建射圃 二十六年同知顧言建明倫
堂

永樂九年學正王禮募建三齋

宣德五年知州侯禮學正賈魯重修

正統十一年知州歐進學正鍾瓊遷學門於東建
號房

天順五年知州王鐸學正許端惠復建學門於西
南

成化七年副使涂棊命知州徐琦重修殿廡堂齋
櫺星戟門藏書及祭器二庫并射圃

弘治二年副使陳英命知州林鐸遷州治東

正德十年知州徐潭重建櫺星門

嘉靖間知州葉應時改建文廟明倫堂向

萬曆七年知州張永昌移退黌門建進賢門敬一
亭啟聖名宦鄉賢祠 四十一年巡道姚履素
允通學諸生請遷縣西潮源驛地

國朝

崖州學原在東關外兵燹以後前壓教場無存
尺寸康熙五年二月二十四日學正朱子虛從
闔州貢生陳師奭等生員吳煥伯周其我陳謙
益陳履仁王尚璉廖德俊林茂等聯呈移牒知
州李應謙申詳 道 府允行遷今學於南門

外西南隅宋元舊址創建 文廟一所一十四

丈四尺五寸 聖殿濶四丈四尺深三丈五寸

東西兩廡各長三丈七尺深一丈三尺五寸戟

門深一丈五尺長四丈四尺泮池至戟門邊二

丈二尺長一丈四尺深砌一丈六尺面濶三丈

四尺至黌宮門二丈六寸啟聖祠深一丈八寸

濶二丈二寸黌門濶六丈四尺名宦鄉賢二祠

各深一丈五尺濶一丈一尺明倫堂深三丈五

寸濶四丈四尺東西兩齋各長三丈三尺深一

丈二尺堂門濶二丈零五寸深一丈二尺後齋
一間深一丈三尺濶三丈四尺小書房一間深
一丈一尺濶九尺五寸東廚房一間深一丈濶
一丈一寸土地祠深九尺濶八尺西邊學書房
如式已上興建匠役木石不費民間毫厘皆由
俊秀子弟麥應瀾徐方昇馮耀德王曰都裴錦
文曾達廖日暄黃榜魁陳履道慕容文等六十
五人捐助其魁星樓尊經閣三門圍墻未建見
蒙 府行知州張擢士學正鄭懋昌催完捐貲

報竣

名宦祠

鄉賢祠

感恩縣學

宋立於縣治之左

元因之

明洪武三年知縣黃忠信仍址創建 十八年縣

丞楊幹移於縣治東北建殿堂兩齋

永樂間知 郭緒重修

景泰元年訓導王川募修

成化五年知縣莫宣修兩廡櫺星大門 九年復

建明倫堂兩齋射圃

弘治十四年叅賊燒毀徙於縣南城外修葺未備

萬曆二十五年知縣朱景和遷建廟堂於縣東

三十八年知縣陳誼建啟聖祠於明倫堂後

名宦祠

鄉賢祠

社學 今廢

郡治社學 并各州縣社學

宋學二

附廓學宋慶元初通守劉漢創建

仁政鄉校 在遵都宋鄉人創建元廢今石基尚存

元學三

珠崖鄉校 在郡南十九里上那邑都今廢

惠通鄉校 在野東四十里并離都今廢

蒙古學 今廢

明成化間義學六

城東學 門外南濠街

城南學 門外沙井南劉志作土城

城西學 四牌樓西街

城北學 海口南門外

珠崖學 上那邑村

仁政學

成化間社學百七十九

瓊山學

十一

澄邁

九

臨高

十

定安

三

文昌

七

會同

五

樂會

五

儋州

八

昌化

二

萬州

六

陵水

二

崖州

十六

感恩

三

衛學應龍衣書館弘治初副使陳英立於衛治之東設教讀一人專訓武弁子弟

外所新舊社學共八所

清瀾

一

萬州

一

儋州

二

昌化

二

水會社學

一

萬曆

二

十八

年

軍

門

戴

耀

平

黎

馬

年

撫

黎

馬

通判吳俸創建先師廟兩廡明倫堂設社師訓黎童置學田贍之崇禎間以生員鄭飛雄主學後推吳鉉宰今廢

鄉義學

南關精舍在郡城南道義之衢西弘治末鄉士人
吳效率建

石門義學在瓊山縣大攝都成化間貢士吳旦率
建置田爲供學之費

敦仁義學在瓊山縣西給事許子偉率建後一間
林有鶚建以及門郡廩生馮生虞爲師

義方塾在澄邁縣那社都會惟唯建
秀峯義學在澄邁縣倘驛都成化初舉人李金率

建

邁湯義學在樂會縣上大鄉王鴻序等建延學行
廩生馮生虞爲師以訓子弟

零春館在儋州零春都宋王霄建

義齋在儋州天堂都洪武間國子學正曾寶建置
田五十畝今俱廢

天堂書屋在儋州天堂都今廢

湖山書舍在儋州城東今廢

許氏義學在儋州城外東南隅給事許子偉建置

土名倚校月牙田義學前坎脚田追牙田各一處揚起元記

書院

東坡書院在府城北以東坡昌化安置時嘗寓此有雙泉遺跡後北歸鄉人思之因建肖像以祀之中外有錦衣堂洞酌臨清濯纓等亭元設山長籍儒生爲藏修之地有贍學田租七十石趙翰林孟頫書扁

明天順間遷建小西門外街成化四年知府蔡浩

復遷於府治東十二年知府蔣琪重修亦呼東

坡祠

桐墩書院在瓊山縣東五里正統間貢士陳文徵

建

回文書院在郡治西成化九年副使涂棐創建今爲參將府

奇甸書院在郡城西北隅丘文莊建今爲景賢祠西洲書院在郡城東一里許正德間主事唐曾建今廢

崇文書院在郡治東舊城隍廟基嘉靖三十二年
副使陳茂義建祠督府蔡經尋改爲書院後圮
萬曆四十四年造軍器局於址之左

石湖書院在博崖都西湖上嘉靖參政鄭建鵠建
粟泉書院在金粟泉上萬曆乙卯年郡守謝繼科
創書舍十間講堂一座買胡大勲田一庄價銀
三十兩撥許大沒官田一庄侯可贊田三坵爲
諸生肄業會課之費

天池書院在澄邁縣東門外嘉靖丙午知縣秦志

道立辛亥知縣許應龍重修今廢

秀峯書院在倘驛都成化元年舉人李金建又廢

澹庵書院舊址在西關外明嘉靖二十五年知縣

陸湯臣建祀宋胡銓後附祀知縣陳社名二賢

祠置田爲候葺之資立碑堂右後爲豪右所侵

院圮

通明書院在城隍廟左明崇禎十三年通邑士民

建祀胡宗瑜後遷胡銓陳社入祀扁曰先後一

揆國朝順治十三年署縣陳蕃廢神像改爲

分司

四賢祠順治十八年知縣蔡嘉禎建於學右遷胡宗瑜石亭安奉胡銓以陳祉柯重光陪祀

康熙七年知縣陳垂訓道陸高古集諸生會議於春祭仍以胡宗瑜同祀故名四賢祠

王陽書院在文昌縣城北鎮恬山之麓萬曆乙未知縣賀止立

尚友書院在定安縣南門內尚書王弘誨建應台書院在會同縣舊學地萬曆癸丑知縣葉中

聲建圯廢多年國朝因故址建屋一間奉安龍牌明萬曆三十七年耆老李文週捐田二坵入

院向已匿沒國朝康熙五年訓道梁英棗查復詳戴知縣給照以為諸生會饌之費

田在城北門外

萬安書院在萬州州治在今廢

古者建國君民教學為先故自辟雝泮宮而下郡邑都鄙莫不有學所以養育人材為

國家用也瓊之有學其在漢唐以前邈無可稽至宋慶曆間始有殿堂之建厥後代有增置至元

明而始備陳俎豆以娛聖賢設學田以育多士
尊經有閣明倫有堂禮樂之興彬彬盛矣迨明
季變亂之後宮墻傾圮廟貌湮蕪至我

朝誕敷文教訖於南海副憲馬公逢臯捐俸重修
煥然復振康熙十年風雨侵蝕學道僉憲王公
率府縣重加修葺已復舊制不謂又有十一年
閏七月颶風之變也起敝維衰俟竣工另報

